


apt





ARREST DE LA
Cour de Parlement du
2. Januier 1615.

TOUCHANT LA SOUVERAINETE'
*du Roy au temporel, & contre la pernicieuse
Doctrine d'attenter aux personnes sacrées
des Roys.*

EN SVITE DVQUEL SONT
LES ARRESTS DONNES SVR LE
mesme subiect.



A PARIS,
Chez F. MOREL, & P. METTAYER,
Imprimeurs & Libraires ordinaires
du Roy.

M. D C. XV.

ARRESTED
in

Case

1000

39

326

1615 Feb


THE NEW YORK
LIBRARY

THE NEW YORK
LIBRARY

1615

1615

1615



EXTRAICT DES RE-
gistres de Parlement.

S V R ce que le Procureur
General du Roy a re-
monstré à la Cour, tou-
tes les Chambres d'icelle
assemblées, que combien que par plu-
sieurs Arrests cy-deuant donnez avec
grande & meure deliberation la Cour
ait confirmé les maximes de tout
temps tenues en France, & nées avec
la Corone, Que le Royne recognoist au-
cun Superieur au temporel de son Royaume,
sinon Dieu seul : & que nulle puissance
n'a droit ny pouuoir de dispenser ses sub-
iects du serment de fidelité, & obeissance
qu'ils luy doibuent, ny le suspendre, priuier,
ou depaser de sondict Royaume : & moins

*d'attenter, ou faire attenter par autorité
soit publique ou privée sur les personnes sa-
crées des Roys : Neantmoins il a esté
aduerti que par discours tant en par-
ticulier qu'en public plusieurs perso-
nes se donnent la licence de reuoker
en doute telles maximes, disputer
d'icelles, & les tenir pour problema-
tiques, dont peuuent arriuer de tref-
grands inconueniens, ausquels est
nece ssaire de pouruoir, & prompte-
ment. Requerant qu'attendu que la
Cour est assemblée toutes affaires ces-
santes il luy plaise ordonner que les-
dicts Arrests seront renouuellez, & de
rechef publiez en tous les sieges du
ressort d'icelle l'audience tenant, afin
de tenir les esprits de tous subiects du
Roy de quelque qualité & condition
qu'ils soient confirmez & certains des-
dictes maximes & regles, & pour la
seureté de la vie du Roy, paix & tranquilli-*

té publique : Avec defenes d'y contreuenir sous les pœnes portées par lesdicts Arrests. Et qu'il soit enjoinct à tous ses substituts en faire faire la publication , & en certifier la Cour au mois, à pœne de priuation de leurs charges.

LA COUR, toutes les chambres assemblées, a ordonné & ordonne que les Arrests des second Decembre mil cinq cents soixante & un, vingt neufuième Decembre mil cinq cents nonante quatre, septième Ianuier, & dix-neufuième Iuillet mil cinq cents nonante cinq, vingt septième de May, huictième Iuin, & vingt-sixième de Novembre mil six cents dix, & vingt-sixième de Iuin mil six cents quatorze, seront gardez & obseruez selon leur for-

me & teneur: Faiet defences à toutes personnes de quelque qualité & condition qu'elles soient d'y contreuenir, soubz les pœnes contenues en iceuls: Et à ceste fin seront publiez aus Bailliages, Seneschaulcees, & aultres sieges de ce ressort, à la diligence des Substituts du Procureur General, qui en certifieront la Cour au mois, à pœne d'en respondre en leur nom. Faiet en Parlement le second de Ianuier mil six cents quinze.

Signé,

VORSIN.

ARREST
ET PROCES VERBAL D'EX-
ecution d'iceluy contre Iehan Tan-
querel, du 12. de Decembre 1561.

Extrait des Registres de la Cour de Parlement.

L'AN mil cinq cents soixante & vn, le Ven-
dredy 12. iour de Decembre, nous Christo-
phile de Thou, Conseiller du Roy, President en
la Cour de Parlement, Charles de Dormans,
Barthelemy Faye, Conseillers en icelle, Iuges
commis & deputez par ladite Cour, pour l'ex-
ecution del' Arrest donné en icelle, le 2. iour de
ce present mois, à l'instance & Requeste du Pro-
cureur general en ladite Cour, contre Maistres
Nicolle Maillard Doyen, Iehan Aleaume, Iehan
Pelletier, Iehan Allain, Iacques Cayn, & Noël
Paillet, Docteurs en la Faculté de Theologie,
pour raison des propositions tenuës par Iehan
Tanquerel, Bachelier formé en ladite Faculté, du-
quel Arrest la teneur ensuit.

Ce iourd'huy apres que le Procureur general
du Roy, presens Maistres Nicolle Maillard
Doyen, Iehan Aleaume, Iehan Pelletier, Iehan
Allain, Iacques Cayn, & Noël Paillet, Docteurs
en la Faculté de Theologie, pour ce mandez, a
requis à la Cour qu'ils eussent suiuant les inon-
ctions à eux plusieurs fois faiçtes par ordonnance
d'icelle Cour, de représenter Messire Iehan Tan-

querel Bachelier en Theologie, pour respondre sur la proposition par luy disputee; le s^{ds} de la Faculté ouis en leurs diligences & excuses, ensemble ledit Procureur general en ses conclusions; eux retirez, & la matiere mise en deliberation, les grandes Chambres, & du Conseil assemblees: La Cour a ordonné & ordonne que suiuant la declaration baillee par Messire Iehan *Tanquerel*, signee de sa main, & pour son absence au lieu de luy, le Bedeau de la Faculté de Theologie declarera en pleine Sorbonne, en presence des Doyen & tous les Docteurs de ladite Faculté, mesmes dudit Cayn, Bacheliers de ceste licence prochaine, qui seront pour cet effect congregez & assemblez, sur peine d'estre priuez des Priuileges à eux octroyez par le Roy & ses Predecesseurs, assistant l'un des Presidens, deux Conseillers du Roy en icelle Cour, & le Procureur general dudit Seigneur, qu'il desplaist audit *Tanquerel* d'auoir tenu telle proposition, qui sera leuë, que indiscrettement & inconsiderement ladite proposition a esté tenuë & disputee, & qu'il est certain du contraire, supplira tres-humblement au Roy luy pardonner l'offence qu'il a faite, pour auoir tenu ladicte position, & icelle auoir mise en dispute: Et ce fait, leur seront par ladite Cour faictes deffences à l'aduenir de tenir telles positions: Et d'abondant que deux d'entr'eux seront deputez pour aller deuers le Roy, afin de le supplier tres humblement, qu'il leur veuille pardonner l'offence en laquelle ils peuuent estre encourus, pour auoir permis ladicte dispute, & les tenir en sa boune grace, en laquelle ils desirent demeurer

meurer comme ses tres-humbles & tres-obeissants subiects & seruiteurs. Faict en Parlement le second iour de Decembre 1561.

Appellez avec nous ledit Procureur general, & Claude Berruyer l'un des quatre Notaires de ladite Cour, &

Barat premier Huissier en icelle, sommes transportez heure de sept heures au matin en la grande Salle de Sorbonne, auquel lieu après que les Doyen, Docteurs & Bacheliers de ladite Faculté, qui ensuiuent, sçauoir Messire Nicolle Mailard Doyen, Iehan Daual, Iehan Benedicti, Guillaume de Pectu, Iehan Alcaume, Iacques Chrestien, Iehan Pelletier, Gerard du Mesnil, Hubert Guichenot, Iacques Cossion, Guillaume des Prez, Iehan Moreau, Denis Chamuer, Theodore Ronsee, Philippes Maheur, François Dampmartin, Pierre Bourroine, Iacques le Febure, Iehan Portuer, Iacques Cayn, Nicolas Idoine, Lazare Broichet, Guillaume Chauffee, Anthoine Bouchelu, Pierre Vignerot, Nicolas Cousin, Charles le Maistre, Nicollas Pugnance, Olliuiet de Quitte-bœuf, Iehan Paris, Estienne Corneul, Guillaume Gaillard, Iehan Falaize, Iacques Muldrac, Pierre Fournier, George Perron, Audebert Maceré, Martin Euerard, Ioseph Sasot, Iacques le Hongre, Anthoine le Bailly, tous Docteurs en la Faculté de Theologie: Maistres Iehan Nicolas, Pierre Boucher, Iacques Violet, Nicolas Bennart, Pierre Gemelly, Thomas Groult, Maximilian Guiland, Firmin Ballefdens, Nicolas Gaultier, Pierre Thierry, Pierre Vieil, Iehan Codier, Iacques de Lassus, François Carreau, Ba-

cheliers de ladiſte Faculté, representans la plus grande partie d'icelle, ont eſté deuëment aſſemblez au ſon de la cloche, ſelon & en enſuiuant l'ordonnance verbale auſdits Doyen & autres Docteurs, le iour precedent faiſte: A eſté remonſtré par Maistre Gilles Bourdin, Procureur general ſuſdit, que la Faculté de Theologie a eſté ſuffiſamment aduertie par le teſmoignage de pluſieurs grands perſonnages, & *auguſtiſſimo ſacro Senatus oraculo*, du meſcontentement que le Roy avec occaſion grande, la Royne Mere, & Princes du ſang, ont cõçu à leur tresgrand regret de la poſition tenue & miſe en diſpute au College de Harcourt, le ſixieſme Nouembre dernier, par vn nommé Iehan Tanquerel, Bacholier en Theologie: Et comme le Roy, non ſeulement de bouche, mais auſſi par lettres, a faiſt entendre, que telle poſition ainſi mal digeree, meſmes, *hoc turbine rerum*, touchoit & regardoit la ſeureté & eſtabliſſement de ſon Eſtat, la dignité, excellence & ſouueraineté de ſa Couronne, & auoit cy deuant engendré en ce Royaume grandes diuiſions, & ſections entre les Rois de France, & *ſummos Pontifices*, combien qu'entr'eux il y euſt vne confederation & ſocieté preſque diuine & humaine. Et ſur ce vous prie, Meſſieurs, vous representer qu'elle deſtreſſe pouuoiet apporter au Roy, eſtant *in tenella & nondum confirmata etate*, telles nouuelles que ſes ſubiects, ie dy ceux qu'il a touſiours recogneu, & *venerandos in Chriſto patres & pedagogos*, & qui ont acquis reputation de ſageſſe & prudence, non ſeulement en ce Royaume, mais en toutes les parties de l'Europe, diſputent de l'Eſtat de ſa Couronne, &

de ce Royaume, comme de chose vacillante & fluctuante, & estant en quelque incertitude: Et d'autant que les choses sont plus grandes & plus hautes, les passions & impressions del'esprit, sont plus aiguës & malaises à composer: Car véritablement la plus grande infelicité qui pourroit aduenir à vn Prince, ainsi que dict sainct Iehan Chrysostomè, est, *dum regnante secura pace ac legibus optimis fundata status Regius à subditis percellitur, aut inturbatur, & velut intestino morbo Respublica laborat.*

Messieurs, chacun scait l'obeissance & reuerence, & non seulement l'obeissance, mais aussi la timeur, crainte & dilection filiale, commandée par la bouche de nostre Seigneur & de ses saints Apostres, enuers les Roys & Princes. Et comme par le tésmoignage de sainct Paul, *in Epistola ad Romanos*, non seulement ceste obeissance est desirée en la personne de ses subiets, mais aussi est dit, qui se rend irreuerend, desobeissant & moins qu'officieux enuers son Prince, il se declare aduersaire, ennemy & resistant à la volonté de Dieu. Et pour ceste cause nous est sur tout commandé de faire prieres, oraisons, & obsecrations, *pro Regibus, Principibus, & omnibus in sublimitate constitutis, ut sub eis placidam & tranquillam vitam degamus: hoc enim acceptum coram Deo, qui vult omnes saluos fieri & ad agnitionem veritatis peruenire.*

En maniere que quand il est question de parler des Roys & de nos Supérieurs, il y faut bien exactement penser, aduiser, & considerer, & euitier sur toutes choses, propos intempestifs, indiscrets, & n'apportans aucune edification, ains plustost

confusion, scandale, & desolation. *Ista quippe (comme dict Gregorius Nazianzenus, & Chrysostomus) à Christi discipulis remota sunt, neque illo digna ore, quod quidem sacris constitutionibus est dictum & consecratum. Nihil amarum, nihil durum ea lingua proferat, quæ quidem diuinis & mysticis rebus est assueta, ne ad iracundiam Deum prouocet.*

Et certainement la prudence humaine, qui est requise pour la conseruation de l'Estat public, consiste principalement en ce que disoit Epictetus en son Histoire, de ne tenir ne mettre en auant propos, sinon ceux qui sont nécessaires pour l'establisement & pour le repos de la Monarchie: Et (comme disoit Simonides) *silentij iustior & dulcior fructus est, quam quæ non decent dicere: opportunaque est oratio ea (comme disoit Isocrates) quæ quidem ea quæ sunt iacenda, subticet, quæ dicenda, proloquitur.* Pour ceste cause disoit avec grande raison Anaxarchus, que le grand estude & cognoissance de beaucoup de choses, souuentefois nuit à celuy qui est si sçauant & cognoissant, quand il n'en vse sagement, & quand il ne considere mesmes le temps & saisons, enquoy gist la principale partie de sapience.

Or, Melsieurs, la Cour, qui est, *æqui & boni moderatrix*, ayant entendu *quàm esset exulceratus animus Regis & Principum*, a voulu par sa prudence accoustumee, *huic vulneri mederi.*

Et pour cest effect, *ne quem indicta causa damnare diceretur*, a fait ouir ledit Tanquerel sur la position susdicte par Melsieurs le President de Thou, & Conseiller de Dormans, lequel apres remontrance à luy faicte de la part desdits Sieurs, a re-

cogneu telle position auoir esté par luy indiscrettement & intempestiuement dictée, proposée & soustenuë avec supplication de luy vouloir pardonner, offrant de sa part faire declaration contraire, tant en public qu'en priuë : Ledit *Tanquerel* apres ses interrogatoires s'est rendu absent, ne sçay par le conseil de qui. Et combien que la Cour vsant de la rigueur de la loy ordinaire & accoustumee, & *formulis assuetis*, eust peu faire appeller & proclamer à ban, & *trinundino eum euocare*: toutes fois, *hac omnia sinu suo continens*, pour eüiter à tous scandales, a ordonné que le Bedeau de la Theologie, en l'absence dudit *Tanquerel*, feroit la declaration telle qu'il est porté par l'Arrest, de l'exécution duquel est à present question.

Messieurs, vous sçauéz que si les hommes par cas fortuit ou autrement, tombent en quelque maladie, indisposition, eluxation, ou dislocation de membres, *peritissimos quosque medicos & chirurgos sibi asciscunt, vri se & secari patiuntur*, pour l'esperance qu'ils ont de guarison, comme dit *Iocrates*, in *Areopageto*: Mais quant aux maladies & infirmités d'esprit, & quand quelqu'un par temerité & inadueritance, *lapsus est, aut errauit, medicina vnica animi est oratio*, comme dit *Clemens Alexandrinus*, asçauoir l'admonition, l'exhortation, reprehension, laquelle encöre qu'elle ait quelque amertume en soy: toutes fois, comme dict saint Paul, in *posterum gaudij est & exultationis, & fructus dulces adfert*: Et n'y a chose qui se doine recueillir de si bonne part, *quam iusta illa reprehensio, quæ est verus & veluti prauus medicus animi*: Et partant recueillant en soy, *omnes rationes mansuetudinis &*

clementia, dont le Roy & la Cour en ont vſé en cet endroit, ne peut moins faire que de requerir l'exécution de l'Arrest. Et en ce faisant; en premier lieu, que la déclaration portée par iceluy, soit présentement executée; & faite par le Bedeau de la Faculté.

En second lieu, que la Faculté aye à deputer des personnes pour eux retirer vers le Roy, & la Roynne mere, aux fins contenues en l'Arrest, lesquels ils trouveront plains de douceur, de clemence, & prests à les recueillir en toute humanité, en recognoissant la faute par eux commise. Et au surplus; qu'il vous plaise pareillement les admonester, qu'en tous les actes qui se présenteront, esquels l'on voudra toucher aucunement à l'Estat du Roy, & de son Royaume, soit en Predications, soit en disputes, ou autrement, qu'ils l'empeschent, & qu'il ne sorte rien de leur eschole & de leur bouche, qui ne soit à l'edification & establisement du repos & tranquillité publique; *Et sit sermo illorum sale sapientia semper conditus.* Et finalement qu'ils se comportent tellement en faits & en dicts, *ut omnium reddendam rationem;* (comme disoit Africanus) *esse arbitrentur*: Ce fait auons commandé audit Berruyer de faire lecture dudit Arrest, interrogatoire, & confession faite pardeuant nous, & ledit de Dormans; audit *Tanquerel*; ce qu'il a fait: duquel interrogatoire & confession, la teneur ensuit;

L'an 1561. le Ieudy troisieme iour de Novembre, nous Christoffe de Thou Conseiller du Roy, President en la Cour de Parlement, & Charles de Dormans Conseiller en icelle, suiuant l'ordon-

nance de Monsieur le Chancelier, & de ladicte Cour, appelez avec nous Maistres Gilles Bourdin Procureur general, & Iehan Camus Notaire & Secrétaire du Roy, & de ladicte Cour, auons mandé en nostre maison d'habitation de nous de Thou President, Maistre Iehan Tanquerel Bachelier formé en Theologie, demeurant au College de Harcourt; lequel en la presence desdicts Procureur general, & Camus secretaire, & de Maistre Nicolle Maillard Docteur en Theologie, Chanoine del'Eglise de Paris, Doyen de la Faculté de Theologie, & Iacques Cayn aussi Docteur en ladicte Faculté, demeurant au College des Cholets: Et apres serment fait par ledict Tanquerel de dire verité, auons enquis quelles positions il auoit tenuës & disputé à son acte de grand Ordinaire, leudy dernier, & s'il en auoit copie. Nous a à l'instant ledit Tanquerel exhibé vne copie de seldites positions, escrites en vn fueillet de papier, qu'il a signee de nostre ordonnance, & laquelle a esté paraphée par ledit Camus, *ne varietur*. Et sur ce par nous enquis, a dit & confessé, que veritablement il auoit tenu & disputé lesdictes positions le sixiesme de ce mois, sous ledict Docteur Cayn, és escholes du College de Harcourt, mesmes le premier article d'icelles, duquel la teneur s'ensuit;

Ecclesia cuius solus Papa Christi Vicarius Monarcha spiritualem & secularem habens potestatem omnes fideles subiectos continens Principes suis praeceptis rebelles, regno & dignitatibus priuare potest, nec suam haeresim occultam alteri reuelare tenetur. Et que sept ou huiet mois auparauant il les auoit colligé & mis par es-

prit à son priué, & qu'après les auoir communi-
 qué à quelques Docteurs en la maniere accoustu-
 mée, il en fit faire plusieurs copies qu'il bailla aux
 Docteurs & Bacheliers en Theologie & ses
 amis, les inuitant en son acte, qu'ils appellent le
 grand Ordinaire: A ouy dire que ledit article a
 esté souuent disputé aux escholes, & est traicté
 aux questionnaires, & n'a pensé aucunement of-
 fencer la Maieité du Roy, ny personne: Et s'il eust
 estimé que ledit article eust esté mal pris, il ne
 l'eust proposé en ladite dispute, disant que les
 questions qu'on a accoustumé de proposer aux
 escholes, ou actes de Theologie, sont problema-
 tiques & disputables, & non tenues toutes pour
 veritables. Luy auons remonstré que le contenu
 audit article ne deuoit estre mis en dispute, ayant
 esté autresfois condamné apres le decez du Pape Boni-
 face huitiesme lequel auoit maintenu ceste propo-
 sition veritable, & icelle fait publier en forme de
 constitution: A dict qu'il scait que ceste opinion
 a esté condamnée; toutesfois que plusieurs la
 tiennent pour soutenir & deffendre la puissance
 du Pape: Et quant à luy, scait & confesse qu'il y
 a distinction de puissances, & qu'au Pape appartient
 la spiritualité, & aux Rois & Princes la tempo-
 ralité. Luy auons pareillement remonstré que
 ceste proposition a esté disputée en temps mal à
 propos, & plein de troubles, auquel il deuoit
 plustost tenir propositions pour contenir le peu-
 ple en l'obeissance du Roy, que pour l'esmou-
 uoir: Nous a dict qu'il luy desplaist grandement
 qu'il n'a considéré & esté aduertý de ce que des-
 sus, & que s'il y eust bien pensé il ne l'eust fait,

n'y voulu faire: Et supplie tres-humblement le Roy luy pardonner l'offence qu'il luy pourroit auoir faite en cet endroit, qui n'a esté par malice ny mauuaise volonté, & a desiré, & desirera toute sa vie demeurer tres-humble & tres-obeyssant seruiteur & subiect de sa Maiesté, & sera tousiours prest d'en faire telle declaratiō qu'il luy plaira ordonner, soit en priué, soit en public. Est tout ce qu'il a respondu, qu'il a signé de sa propre main. Ainsi signé de Thou, de Dormans, Tanquerel.

Et en executant ledit Arrest au premier chef, auons commandé audit Barât premier Huissier de lire & faire prononcer à Pierre Goux Bedeau de ladite Faculté present, estant nud teste, & sur pieds, la declaration y contenuë, comme ensuit.

Je declare en l'absence de Jehan Tanquerel, & pour & en son lieu, qu'il me desplaist d'auoir tenu la position ensuiuant, *Quod Papa Christi Vicarius Monarcha, spiritualem & sacularem habens potestatem, Principes suis preceptis rebelles, Regno & dignitatibus priuare potest*: Et qu'indiscrettement, & inconsiderement, i'ay icelle proposition tenuë & disputee, & suis certain du contraire: Supplie tres-humblement au Roy me pardonner l'offence que i'ay faite, pour auoir tenu ladite proposition, & icelle mise en dispute.

Procedant en outre à l'execution dudit Arrest, leur auons remonstré que l'Arrest de la Cour, l'execution duquel estoit poursuiuie par le Procureur general en icelle, & pour lequel executer, nous auons esté commis, auoit ja esté executé pour le premier chef d'iceluy, concernant la per-

sonne de Maistre Jehan Tanquerel absent : restoit à executer le second chef, qui estoit bimbembre, concernant les Docteurs & Bacheliers formez de ladite Faculté, dont l'un se pouuoit executer presentement, l'autre ne se pouuoit executer si non en la presence du Roy & de sa personne. Ce qui se pouuoit presentement executer, estoit touchant les defences ordonnees estre faictes par ledit Arrest à ceux de ladite Faculté, de non souffrir telles positions, que celle dont est venuë la plainte, estre disputee à l'aduenir. A ceste cause, en executant ledit Arrest, & suiuant iceluy, nous auons fait & faisons defences de par le Roy, & la Cour de Parlement ausdits de la Faculté de Theologie, de non d'oresnauant souffrir telles positions estre mises en disputes, sur peine de cent marcs d'or applicables au Roy, de priuation des Priuileges à eux octroyez par le Roy & ses predecesseurs Roys, & autres plus grandes peines, s'il y eschet, à la discretion de ladite Cour.

Leur remonstrant que telles disputes qui ne rendent à aucune edification, mais plustost à la subuersion des escolutans, estoient & auoient esté spécialement & nommément defendues, & comme S. Paul auoit escript aux Philippenses, eux qui estoient la lumiere du monde, & le sel de la terre, deuoient estre tels, & se monstrier tels, *vt nemo de eis queri possit*, vsant de ces mots, *tales estote, vt sit nemo qui de vobis queri possit, irreprehensibiles in medio nationis prauae & tortuose, inter quos lucere tamquam luminaria in mundo, sermonem vitae sustinentes, quem in vobis inhabitare oportet abundanter*.

danter cum omni sapientia. Et en autre passage, dict, *cum conuenitis unusquisque vestrum, alius habet linguam, alius psalmum, alius reuelationem, omnia ad edificationem fiant.* Au demeurant leur auons enioinct en ce qui reste à executer, qu'ils ayent à eux humilier vers le Roy, *cuius*, veritablement, *iusta fuit indignatio.* Et que pour cet effect, ils eussent presentement à nommer deux d'entr'eux, à ce qu'ils eussent à se transporter vers ledit Seigneur, afin de le supplier tres-humblement d'oublier l'offence en laquelle ils peuuent estre encourus, & de leur pardonner & remettre, & de les tenir en sa bonne grace, le tout iouste & conformement audit Arrest. A quoy a esté respondu par lesdits de la Faculté, portant la parolle pour eux, ledit Maistre Nicolas Maillard Doyen, qu'elle est tousiours tres-humble & tres-obeisante au Roy, & à la Cour, & fera en telle sorte que le Roy & ladite Cour se deurent contenter. Laquelle responce a esté baillee par escript audit Berruyer, pour inferer en ce nostre present procès verbal, comme ensuit.

*Responce de la Faculté de Theologie, faicte par
Monsieur le Doyen.*

Messieurs, la Faculté est tousiours tres-humble & obeissante au Roy, & à la Cour, & fera en telle sorte que le Roy & la Cour se deurent contenter. Faict le douziesme de Decembre 1561. ainsi signé, Ruelle, par le commandement des Doyen & Docteurs de la Faculté de Theologie de Paris.

Extrait des Registres de la Cour de Parlement.

Ce iour la Cour, pour executer l'Arrest par

elle donné à l'instance & requeste du Procureur general du Roy, à l'encontre de ceux de la Sorbonne, a commis, nommé & député, commet, nomme & depute Maistres Christofle de Thou President, Charles de Dormans, & Barthelemy Faye, ou Maistre Iacques de Varade, Conseillers du Roy, en l'absence de l'un des deux. Faict en Parlement le second iour de Decembre mil cinq cents soixante & vn. Ainsi signé, Berruyer. Ce faict nous sommes departis. Ainsi signé de Thou, de Dormans, Faye, & Berruyer.

ARREST
CONTRE FR. FLORENTIN IACOB,
du 19. de Iuillet 1595.

Extrait des Registres de Parlement.

VEv par la Cour, les grand' Chambre & Tournelle assemblees, les positions imprimez, dressez par frere Florentin Iacob, Prestre Religieux de l'Ordre de saint Augustin, Bachelier en Theologie, pour icelles soutenir & defendre publiquement le dixiesme iour de May dernier, en la dispute du grand Ordinaire en la Sorbonne, sous Maistre Thomas Blarzy, Docteur en Theologie, Principal du College de Caluy: dont le cinquiesme article contenoit ce qui ensuit, *Huic porro sedi successor, in qua sedet etiam nunc Clemens huius nominis octavus, omnium Pontificum maximus & supremus; qui cum in terris vices Dei gerat,*

ab eodem esse spiritualia & temporalia non est ambigendum, spiritualement enim & temporalem in omnes habet potestatem, eique vniuersi Cardinales, Episcopi, & omnes omnis generis parere & obedire, & veluti membra capiti adbarere perpetuò tenentur: Et le neuuesme, Domus Ecclesiastica cum duplicis gladij habeat potestatem, Temporalis vsum ad bonorum defensionem & malorum exterminium Regibus & Magistratibus concedit.

Les interrogatoires faits par l'un des Conseillers de ladicte Cour à ce commis, ausdits Iacob & Blanzuy, prisonniers és prisons de la Conciergerie du Palais: Conclusions du Procureur general du Roy, Ouy & interrogez en ladicte Cour lesdits Iacob & Blanzuy sur lesdictes positions: Ouy aussi le Syndic de la Faculté de Theologie, pour ce mandé en icelle: Et tout considéré: Il sera dit, que ladicte Cour a déclaré & declare lesdits cinq & neuuesme articles des positions, faux, schismatiques, contraires à la parolle de Dieu, saints Decrets, constitutions canoniques & loix du Royaume, tendans à rebellion, & perturbation du repos public: Cōdamné ledit Iacob, pour les auoir composé, fait imprimer, & presenté pour les soustenir en son Acté, de grand Ordinaire, estre conduit des prisons de la Conciergerie en la grand sale de Sorbonne, en laquelle les Doyen, Syndic, Docteurs, Licentiez, & Bacheliers, seront assemblez au son de la cloche, & illec estant teste nuë, & à genoux, assistant ledict Blanzuy teste nuë & debout dire & declarer, Que temerairement & indiscrettement il a composé & publié lesdites positions, pour estre disputees, & par luy sou-

stenuës en sondict acte de grand Ordinaire, dont il se repent & en demande pardon à Dieu, au Roy, & a la iustice. Ce faict, seront lesdictes positions rompuës & lacerees. Faict ladicte Cour inhibitions & deffences à tous Bacheliers d'en composer & presenter de semblables, ou autres, contre la puissance du Roy, & obeissance à luy deuë par tous ses subiects, establissement de l'Estat Royal, & droicts del'Eglise Gallicane : & aux Doyen, Syndic, & Docteurs de la Faculté, deles receuoir, ny permettre qu'elles soient imprimees, ne disputees, sur peine d'estre declarez criminels de leze. *Majesté*, & indignes de iouir des Priuileges octroyez à la Faculté de Theologie, par les Roys predecesseurs du Roy regnant & confirmez par luy. Ordonne que ce present Arrest sera escrit es Registres d'icelle Faculté, & *leu par chacun an* à la premiere assemblee de la Sorde par le Bedeau de ladite Faculté. Et enioint au *Sindic* de certifier ladite Cour de la lecture dedas trois iours apres qu'elle aura esté faite, sur peine de desobeissance aux Arrests. Et sera le presët Arrest executé par l'un des Presidents & quatre Cõseillers de ladite Cour, en la presence du Procureur general du Roy. Fait en Parlement le Mercredy dix-neufiesme iour de Iuillet mil cinq cens quatre-vingt quinze.

ARREST
CONTRE LE PARRICIDE DE
Henry le Grand du 27. de May 1610.

Extrait des Registres de Parlement.

VEU par la Cour les grand' Chambre, Tour-
nelle, & del' Edict assemblees, le procès cri-
minel faict par les Presidents Conseillers à ce
commis, à la requeste du Procureur general du
Roy à l'encontre de François Rauailiac, Prati-
cien de la ville d'Angoulême, prisonnier en la
Conciergerie du Palais, Information, interro-
gatoire, confessions, denegations, confronta-
tions de tesmoins, conclusions du Procureur ge-
neral du Roy, ouy & interrogé par ladiete Cour,
sur les cas à luy imposez, procez verbal des inter-
rogatoires à luy faicts à la question, à laquelle de
l'ordonnance de ladiete Cour auroit esté apliqué
le 25. de ce mois, pour la reuelation de ses com-
plices, tout consideré, **DICT A ESTE** que
ladite Cour a déclaré & declare ledit Rauailiac
deuëment atteint & conuaincu du crime de leze
Majesté diuine & humaine, au premier chef, pour
le tres-meschant, tres-abominable, & tres-dete-
stable parricide commis en la personne du ieux
Roy **HENRY IV.** de tres-bonne & tres loüa-
ble memoire. Pour reparation duquel l'a con-
damné & condamné faire amende honorable de-
uant la principale porte de l'Eglise de Paris, où il

sera mené & conduit dans vn tumbereau , là nud en chemise, tenant vne torche ardente du poids de deux liures, dire & declarer, que malheureusement & proditoirement il a commis ledit tres-meschant, tres abominable, & tres-detestable parricide , & tué ledit Seigneur Roy de deux coups de cousteau dans le corps, dont se repent, demande pardon à Dieu, au Roy, & à Iustice, de là conduit à la place de Gréve, & sur vn eschaffaut qui y sera dresse, tenaillé aux mammelles, bras, cuisses, & gras des iambes, sa main dextre y tenant le cousteau duquel a commis ledit parricide ards & bruslez de feu de soulfhre, & sur les endroits où il sera tenaillé, ietté du plomb fondu, de l'huile bouillante, de la poix-raisine bruslante, de la cire & soulfhre fondus ensemble. Ce fait, son corps tiré & desmembré à quatre cheuaux, ses membres & corps consommez au feu, reduits en cendres, iettez au vent. A déclaré & declare tous & chacuns ses biens acquis & confisque au Roy. Ordonné que la maison où il a esté nay sera desmolie, celuy à qui elle appartient prealablement indemnisé, sans que sur le fonds puisse à l'aduenir estre fait autre bastiment. Et que dans quinzaine apres la publication du present Arrest à son de trompe & cry public en la ville d'Angoulesme, son pere & sa mere vuideront le Royaume, avec deffences d'y reuenir iamais, à peine d'estre pëdus & estranglez, sans autre forme ny figure de procès. A fait, & fait defences à ses freres, sœurs, oncles, & autres, porter cy-apres ledit nō de Ranaillac, leur enioint le changer en autres sur les mesmes peines. Et au Substitut du Procureur general

general du Roy faire publier & executer le present Arrest, à peine de s'en prendre à luy. Et auant l'execution d'iceluy Kauaillac, ordonné qu'il sera derchief appliqué à la question, pour la reuelation de ses complices.

Signé,

VOYSIN.

ARREST
CONTRE LE LIVRE DE MARIANA, intitulé, De Rege & Regis institutione. du 8. de Iuin 1610.

Extraict des Registres de Parlement.

VEy par la Cour les grand' Chambre; Tournelle, & de l'Edict assemblees; le Decret de la Faculté de Theologie assemblee le 4. du present mois de Iuin, suiuant l'Arrest du 27. May precedent, sur le renouvellement de la Censure doctrinale de ladite Faculté, faite en l'an 1413. confirmée par le saint Concile de Constance, que c'est heresie pleine d'impieté, de maintenir qu'il soit loisible aux subiets ou estrangers, sous quelque pretexte & occasion que puisse estre, d'attenter aux personnes sacrées des Rois & Princes souuerains, le Livre de Iehan Mariana, intitulé, de Rege & Regis institutione, imprimé tant à Mayence, que autres lieux, concernans plusieurs blasphemes execrables, contre le feu Roy HENRY III. de tres-heureuse memoire, les personnes & estats des Roys & Princes souuerains, & autres propositions contraires audict Decret; Conclusions du

Procureur General du Roy, la matiere mise en deliberation.

LADICTE COVR a ordonné & ordonne, que ledit *Decret* du 4. du present mois de Iuin, fere registré és registres d'icelle, ouy & ce requerant le Procureur General du Roy, & leu par chacun an à pareil iour 4. de Iuin, en l'assemblée de ladi&te Faculté, & publié au premier iour de Dimanche, és prosnes des paroisses de ceste ville & faulxbourgs de Paris, Ordonne que ledit *Liure de Mariana*, sera brulé par l'Executeur de la haute Iustice deuant l'Eglise de Paris, & a fait & fait inhibitions & deffences à toutes personnes de quelque estat, qualité & condition qu'ils soient, sur peine de crime de leze Majesté, d'escrire ou faire imprimer aucun Liure ou Traicté contretenant audit *Decret* & *Arrest* d'icelle; ordonné que copies collationnées aux originaux dudit *Decret* & present *Arrest*, seront enuoyees aux Bailliages & Seneschauſſees de ce ressort, pour y estre leuës & publiees en la forme & maniere accoustumées, & outres és prosnes des parroisses des villes & faulxbourgs, le premier Dimanche du mois de Iuin: Enioint aux Baillifs & Senechaux proceder à ladi&te publication, & aux Substituts du Procureur General du Roy tenir la main à l'exécution, & certifier la COVR de leurs diligences au mois. Fait en Parlement le 8. Iuin, 1610.

Signé,

VOYSIN.

ARREST
contre le Liure intitulé,
 FRANCISCI SVAREZ E
 Societate Iesu Doctoris Theologi De-
 fensio fidei Catholicæ & Apostolicæ
 aduersus Anglicanæ sectæ
 errores.
 du 26. de Iuin 1614.

Extrait des Registres de Parlement.

VEV par la Cour les grand' Chambre, Tournelle
 & de l'Edict assemblees, le Liure imprimé à
 Colongne l'an present, intitulé, FRANCISCI SVA-
 REZ Granatensis è Societate IESV Doctoris
 Theologi Defensio fidei Catholicæ & Apostoli-
 cæ aduersus Anglicanæ sectæ errores, contenant au
 Liure trois Chapitres 23. pages 376. 79. 80. 82. Chap. 29.
 pages 410. 11. 12. 13 14. 15. 16. 17. 18. 19. 20. Chap. 6. pag.
 834. Chap. 8. pag. 844. & autres endroits, plusieurs
 propositions contraires aux Puissances Souueraines des
 Rois ordonnez & établis de DIEU, repos & tran-
 quillité de leurs Estats, & qu'il est loisible à leurs subietz,
 & estrangers, attenter à leurs personnes: Conclusions
 du Procureur general du Roy. Tout considéré:

Ladicte Cour a déclaré & déclaré les propositions &
 maximes contenues audit liure scandaleuses, & seditieu-
 ses, tendantes à subuersion des Estats & à induire les
 subiects des Rois & Princes Souuerains, & autres, d'at-
 tenter à leurs personnes sacrées: & les propos, faisant

mention des Rois Chlouis, & Philippe le Bel, faux & calomnieux: A ordonné & ordonne ledit Liure de SVAREZ estre bruslé en la Cour du Palais par l'Executeur de la haulte Iustice: A fait & fait inhibitions & deffences aux Libraires & Imprimeurs d'en imprimer, vendre, ny debiter, & à toutes personnes de quelque qualité & condition qu'elles soient, en auoir, escrire, ny retenir, enseigner aux Escholes, ou ailleurs, ny disputer lesdictes maximes & propositions: Ordonne suruant l'Arrest du 8. Iuin 1610. que le Decret de la Faculté de Theologie du 4. Iuin audict an, sur le renouuellement de la Censure Doctrinale de ladue Faculté, de l'an 1413. confirmée par le Concile de Constance, ensemble le present Arrest, & ceux des anneés 1561. & 85. seront leux chacun an le 4. iour de Iuin, tant en ladicte Faculté, qu'au College des Prestres & Escholiers du College de Clermont, & quatre Mendians: & qu'à la requeste du Procureur general du Roy sera informé des contrauentions ausdicts Arrests: & desenfes d'escrire, auoir, & retenir pareils liures. Fait en Parlement le 26. iour de Iuin 1614.

Signé,

VOYSIN.

O VLTRE a esté arresté que les Peres, IGNA-
CE ARMAND, Recteur en ceste ville,
COTTON, FRONTON, & SIRMVND, seront
mandez au premier iour en la Cour, & à eux re-
monstré que contre leur declaration & Decret
de leur General del'an 1610. le liure de SVAREZ
a esté imprimé & apporté en ceste ville contre
l'autorité du Roy, seureté de sa personne & E-
stat: & leur sera enjoinct de faire vers leur Gene-
ral qu'il renouuelle ledit Decret, & qu'il soit pu-

blié, en rapporteront acte dans six mois; & pour-
ueu à ce qu'aucuns Liures contenant si damna-
bles & pernicieuses propositions ne soient faiçts,
ny mis en lumiere par ceux de leur Compagnie :
& à eux enjoinct par leurs predications exhorter
le peuple à la doctrine contraire ausdites propo-
sitions : Autrement la Cour procedera contre les
contreuenants comme criminels de leze Majesté,
& perturbateurs du repos public.

*L'Arrest cy-dessus & l'Arresté ont esté prononcés,
presens Peres IGNACE ARMAND, CHARLES DE LA
TOUR venu au lieu de PIERRE COTTON, FRON-
TON DV DVC, & IACQVES SIRMVND. Et l'Ar-
rest executé deuant les grands degrez du Palais le 27.
Iuin, 1614.*

10
The first of these is the fact that the
the second is the fact that the
the third is the fact that the
the fourth is the fact that the
the fifth is the fact that the
the sixth is the fact that the
the seventh is the fact that the
the eighth is the fact that the
the ninth is the fact that the
the tenth is the fact that the

the eleventh is the fact that the
the twelfth is the fact that the
the thirteenth is the fact that the
the fourteenth is the fact that the
the fifteenth is the fact that the
the sixteenth is the fact that the
the seventeenth is the fact that the
the eighteenth is the fact that the
the nineteenth is the fact that the
the twentieth is the fact that the











